

vill' wyr in disse werlt mit fleisch-  
armoid. Der viand moghenheyt  
edir wreedheyt der frencken. wer  
den gepynicht. so vill meer sullen  
wyr: hernamails loens erweuen.  
Dairumb laist vns bidden zc.

## Euangelium



**I**n illo. t. Ibat Ihesus in ciui-  
tatem que vocatur naym et ibat  
cum eo discipuli eius et turba co-  
piosa zc. Lucz vij. capitulo.

**D**er tijt gienc vns heer  
Ihesus in eyn stat die hies  
Naym vñ giengē mit ym  
sijn iunger vnd eyn groysse schaar  
Vnd do he nekede der portzen der  
stat Syet do droech man intgain  
ym vrs der stat enen doder der  
was eyn enich soen sijne moeder  
vnd sy was eyn widuwe. vnd eyn  
groysse schair des volcks vrs der  
stat gienc mit yr. Vnd do sy vn-  
sen heer sach do erbarmde he sych  
ouer sy vñ sprach zc yr. Du fals

niet weynen vnd gienc vnd riet  
de die baer an Die cuer da droge  
die stunden still Vñ ihesus sprach  
Jungeling ich sage dir stant vp.  
do richte sich der iungeling vp d  
hoid was vñ sae vnd hoef an zo  
sprechen Do gaff he yn sijne moe-  
der widder vnd all dat volck dat  
da was die erschraecten vnd loeff-  
den god vnd sprachen It is eyn  
groys propheet vpgestanden vn-  
der vns want got hat heym ghe-  
socht sijn volck.

## Glosa

**D**at is dat hyllich ewangelii  
dar in wir sullē mrecken dy ding  
**E** So dē ysten dat vns heer gienc  
in eyn stat die hies Naym vñ is  
also vil gesprochen als eyn wan-  
delig Vñ bedudet vns die werlt  
da dwerley wandeling in is. der  
naturen der mynschen die wande-  
len. want der mynsch is wonder-  
lichen franc vnd wonderliche ge-  
sont wanne he sich wandelt van  
eyne ding zo dē anderē Als ghe-  
schreuen is in dem boich Job ym  
xxij. ca. Homo natus de muliere  
Breui viues tempore repletur mul-  
tis miserijs et nunquaz in eodem  
statu permanet. Der mynsch ghe-  
boren van einre vrouwe leuet eyn  
kurze tijt. Vnd wirt ervult mit  
vill armoide vnd zo geyner tijt  
blijft he in eyne stand. **E** So dem  
anderen maal sullen wir myrecken  
dat vns heer machet leuendich ey-  
nen doder der was eyne widu-  
wen soen dat geschach vnt der por-  
ze der stat da vns here in intgain  
quam. By der widuwen is vns  
bedudet die hilige cristheyt. **E**uer